

Dua rondo de dialogo en Washington inter Kubo kaj Usono.



Delegitaroj de Kubo kaj Usono efektiviĝos ĉi-27-an de februaro, la duan rondon de dialogoj celantaj restarigi la diplomaciajn ligojn inter ambaŭ landoj, pri kio ili antaŭsciigis sintenojn kaj fokuson konstruan.

La dialogo sekvas la antaŭajn, okazintajn la 22-an de januaro en Havano, kaj denove estos gvidataj de la ĝenerala direktorino pri Usono de la insula ministerio pri eksteraj rilatoj, Josefina Vidal, kaj la asista sekretario de Usono por aferoj de la okcidenta hemisfero, Roberta Jacobson.

Vidal jam estas en Washington kun alia grupo de funkciuloj por plenumi intensan laboragendon.

Ili jam esprimis la volon avanci al restarigo de interrompitaj ligoj kaj la malfermo de ambasadejoj, kiel estis anoncite de la kcernaj prezidentoj Raúl Castro kaj Barack Obama, la 17-an de decembro.

Laŭ sciigis la vicdirektoro ĝenerala pri Usono de la kuba ministerio pri eksteraj rilatoj, Gustavo Machín, Kubo ĉeestas la kunsidon kun konstrua spirito.

La diplomato menciis la problemojn alfrontatajn de la sekcio de interesoj de Kubo en Washington pro la manko de alirebleco al usona banko kaj esprimis ke la insulo planas prezenti projekton por la diskuto pri la temo de la homaj rajtoj.

Li sciigis ke dum la dialogo oni insistos pri la graveco restarigi la diplomaciajn ligojn sur solidaj bazoj, surbaze de reciproka respekto, ne enmiksiĝo en la internajn aferojn kaj la suverena egaleco de ŝtatoj, principoj establitaj en la ĉarto de UN.

Funkciulo de la usona ŝtatestro, kies nomo kaj posteno ne estis precizigitaj, klarigis dum telefona konferenco la volon kiel eble plej rapide restarigi la rilatojn.

Pri la temo de la ekskludo de Kubo el la listo de subtenantoj de terorismo, li klarigis ke Washington vidas tion kiel aparta afero, li aldonis ke “evidente oni avancis en la reviziado de la temo kaj esperas ĝin solvi rapide, sed ambaŭ aferoj ne devas esti ligitaj.

<https://www.radiohc.cu/index.php/eo/noticias/nacionales/47776-dua-rondo-de-dialogo-en-washington-inter-kubo-kaj-usono>



Radio Habana Cuba